

Y Fonesig Athro Julie Lydon
Cadeirydd y Comisiwn Addysg Drydyddol ac Ymchwil
Rhif 2 Cwr y Ddinas
Stryd Tyndall
Butetown
Caerdydd
CF10 4BZ
julie.lydon@medr.cymru



Llywodraeth Cymru
Welsh Government

27 Gorffennaf 2026

Annwyl Athro Fonesig Lydon,

**Cymorth ariannol Llywodraeth Cymru i Medr, y Comisiwn Addysg Drydyddol
ac Ymchwil: 2026-2027**

Hoffem gadarnhau dyraniad cyllid Cyfalaf Ymchwil Addysg Uwch i Medr ar gyfer 2026-27, sef cyfanswm o **£7,971,108**.

Bydd y cyllid hwn yn cael ei dalu mewn dau randaliad (Awst 2026 a Rhagfyr 2026 / Ionawr 2027), ac mae'n cynnwys cyfraniadau gan Lywodraeth Cymru a'r Adran Gwyddoniaeth, Arloesi a Thechnoleg. O ganlyniad i'r dyraniad cyllid hwn, cyfanswm y gyllideb cymorth grant ddiwygiedig ar gyfer blwyddyn ariannol 2026-27 yw £1,031,160,108, fel y nodir yn Atodiad 1.

Bydd Medr yn ymwybodol bod yr Adran Gwyddoniaeth, Arloesi a Thechnoleg wedi diwygio'r meini prawf ar gyfer cyllid Cyfalaf Ymchwil Addysg Uwch ar gyfer 2026-27. O ganlyniad, rhaid defnyddio'r cyllid Cyfalaf Ymchwil Addysg Uwch presennol i gynnal a chadw cyfleusterau ymchwil presennol yn unig, ac ni chaiff ei ddefnyddio i sefydlu cyfleusterau newydd. O hydref 2026 ymlaen, bydd Ymchwil ac Arloesi y DU yn dyfarnu buddsoddiadau mewn cyfleusterau ymchwil newydd drwy broses gystadleuol.

Yn ogystal â newid y meini prawf ar gyfer cyllid Cyfalaf Ymchwil Addysg Uwch, bydd y grant yn cael ei leihau dros amser, tra bydd cyfran y cyllid a ddyfernir drwy broses gystadleuol gan Ymchwil ac Arloesi y DU yn cynyddu. Mae'r Adran Gwyddoniaeth, Arloesi a Thechnoleg wedi rhoi cyllid ychwanegol i'r llywodraethau datganoledig er mwyn iddynt allu lledaenu effaith y gostyngiad hwn dros gyfnod hwy.

Darperir y dyraniadau cyllid diwygiedig yn Atodiad 1 er mwyn i Medr gyflawni'r swyddogaethau sydd ganddo o dan y ddeddfwriaeth berthnasol, yn enwedig Deddf Addysg Drydyddol ac Ymchwil (Cymru) 2022 fel y'i cychwynnwyd. Fe'u darperir hefyd er mwyn cyflawni'r swyddogaethau y mae'n eu harfer ar ran Gweinidogion Cymru, yn unol â'r hyn a nodir yn y Cytundeb Asiantaeth rhwng Medr a Gweinidogion Cymru, a wnaed o dan adran 83 o Ddeddf Llywodraeth Cymru 2006.

Bydd yr arian yn cael ei fonitro o ran yr hyn a gyflawnir. Yn unol â'r Ddogfen Fframwaith, dylid darparu rhagolygon amserol a gwybodaeth fonitro i swyddogion, gan roi gwybod yn brydlon am unrhyw orwariant a thanwariant disgwylidig. Gall Gweinidogion addasu grant y flwyddyn yn unol â hynny, os oes angen, drwy broses y gyllideb atodol. Rydym yn disgwyl i Medr barhau i gyflawni ei Gynllun Strategol fel y'i cymradwywyd gan Weinidogion Cymru ac yn cydnabod cyhoeddiad Cynllun Gweithredol diwygiedig ar gyfer y cyfnod sy'n dechrau 1 Ebrill 2026.


Rydym yn edrych ymlaen at weithio gyda chi ac uwch dîm Medr.

Yn gywir,



Anna Brychan AS

Y Gweinidog Cabinet dros Addysg a'r
Gymraeg
Cabinet Minister for Education and the
Welsh Language



Cefin Campbell AS/MS

Y Dirprwy Weinidog dros Sgiliau ac
Addysg Drydyddol
Deputy Minister for Skills and Tertiary
Education

Atodiad 1 – Diweddarwyd Gorffennaf 2026

Mae'r gyllideb adnodd a chyfalaf ddangosol a'r setliad cymorth grant wedi'u nodi yn y tabl canlynol:

Maes y gyllideb	Swm
Addysg drydyddol - cyffredinol	£848,687,000
Eitemau wedi'u neilltuo:	
Prentisiaethau iau 14-16	£1,000,000
Cyflogadwyedd a menter	£360,000
Estyn	£2,056,000
REACH	£400,000
Diwylliant – Darpariaeth conservatoire cerddoriaeth a drama y celfyddydau perfformio	£1,970,000
Prentisiaethau	£150,535,000
Cyllideb refeniw net:	£1,005,008,000
Cyllid nad yw'n arian parod (dibrisiant)	£437,000
Cyllideb adnoddau	£1,005,445,000
Cyfalaf addysg uwch	£10,000,000
Cyfalaf digidol addysg bellach	£3,000,000
Cyfalaf gweithredu Medr	£500,000
Cyfalaf Ymchwil Addysg Uwch (Awst 2026)	£3,985,554
Cyfalaf Ymchwil Addysg Uwch (Rhagfyr 2026/Ionawr 2027)	£3,985,554
Cyllideb gyfalaf	£21,471,108
Cyfanswm y gyllideb adnodd a chyfalaf:	£1,026,916,108
<i>Addasiadau Cymorth Grant:</i>	
<i>Wedi tynnu'r addasiadau nad ydynt yn arian parod (dibrisiant)</i>	£437,000
Cyfanswm y Cymorth Grant (Arian Parod)	£1,026,479,108

Atodiad 2

Ffynonellau Incwm Eraill

O dan Ddeddf Llywodraeth Cymru, mae dyletswydd ar Lywodraeth Cymru i adrodd am bob ffynhonnell incwm arall ar gyfer pob corff sydd o fewn ffiniau'r llywodraeth ganolog a'u rheoli o fewn terfyn rheolaeth cwrdd incwm cyffredinol y cytunwyd arno gan Senedd Cymru. Er mwyn galluogi Llywodraeth Cymru i aros o fewn y terfyn rheolaeth hwn, yr incwm y caiff Medr ei gadw o ffynonellau eraill i gyllido gweithgarwch yn ystod y flwyddyn at ddibenion adnoddau refeniw yw £50,000. Nid y terfyn goddefiant ar gyfer arian parod a gedwir ar ddiwedd y flwyddyn yw'r swm hwn. Rhowch wybod i'ch tîm Partneriaeth os ydych yn disgwyl y bydd yr incwm hwn yn newid yn ystod y flwyddyn ariannol.

Amodau a Thelerau'r Cyllid

Mae'r datganiad o flaenoriaethau a'r ddogfen fframwaith a roddwyd i'r Comisiwn Addysg Drydyddol ac Ymchwil yn nodi amrywiol ofynion gweithredol ac yn cyfeirio at ganllawiau a pholisïau'r llywodraeth y mae angen i waith ymchwil y Comisiwn Addysg Drydyddol gydymffurfio â nhw, yn ogystal â'i ddyletswyddau a'i gyfrifoldebau ei hun fel sefydliad cyhoeddus yng Nghymru.

Pennaeth eich tîm partneriaeth yn Llywodraeth Cymru yw Claire Rowlands a'ch swyddog cyswllt arferol yn y tîm yw Craig Greenland: craig.greenland@llyw.cymru.

Trefnir cyfarfod â'ch tîm partneriaeth i gytuno ar drefniadau goruchwyllo a monitro priodol.

Dylid hawlio cyllid yn y modd y cytunwyd arno gyda'r tîm cyllido addysg drydyddol a dylid cyflwyno ceisiadau am gyllid i Lisa Drury-Lawson: Lisa.Drury@llyw.cymru